

apparet ex verbis, quibus non tam in Fanaticis *falsitatem* quam *praecocitatem* & *intempestivitatē* reprehendit, & duo extrema ponit, *alterum Pharisaeorum* & *Epicuraeorum*, quibus Pietas sub nomine Pietismi sit suspecta: *alterum Fanaticorum*, de quibus scribit: Viele haben sich gar löblich erwecken lassen / sie sind aber bey eingesehenem grossen Verfall des rechtschaffenen Wesens / in einen solchen unmäßigen Eifer gerathen / daß sie die allgemeine Besserung gleichsam erzwingen und Gott vorlauffen wollen / daher Bedencken haben / in der gegenwärtigen Oeconomie der Kirchen unter der Gedult und Langmuth GOTTES stehen zu bleiben / und in solcher die Besserung gelassentlich zu erwarten ꝛ. praefat. p. I. quibus verbis, quantum assequi datur, statuit, *Oeconomiam hanc praesentem non equidem bonam, tolerandam tamen, cum a DEO patientia & longanimitate toleretur; Christianismum esse admodum lapsum, emendatum statum esse expectandum sed patienter, non ita praecipitanter, ut solent facere Fanatici, qui tempus status florentioris anticipare audeant.* Multumne sic an parum differant utrique, judicet aequus censor. ORTHODOXIAE regno picto non sine causa adjunxisse urbem PROPHECIAE P. LANGIVM credibile est, ut apparet ex *tabula Anti-Barbaro praemissa*, qua Theologos de ecclesia DEI bene meritos indigne satis perstringit.

§. V.

Nullum vero dubium est, quin homines miseros satis multos abduxerit in devia & fascinaverit sententia *de revelationibus DEI extraordinariis & immediatis nondum plane cessantibus*: Hac enim imbutus animus semper haeret ambiguus, *utrum talia quae ultra sphaeram communem sunt, non pro divina inspiratione merito habeantur?* cumque nihil felicius prima specie excogitari possit, facile fieri solet,

D

ut